

Alkitab Sagan Kakanakan

Mengenal akan

Saurangan
Utusan
Tuhan



Panulis: Edward Hughes

Nang manggambar: Byron Unger; Lazarus
Alastair Paterson

Nang manyusun: E. Frischbutter; Sarah S.

Nang mangartikan: Lega Pitanatal Amiani;
Nadya Cristine Armelia br. Tumorang


Nang mamproduksi: Bible for Children
www.M1914.org

©2023 Bible for Children, Inc.

Ijin: Pian beisi hak sagan menciplak atawa mancetak kisah ni,
sapanjang kada hagan di juali lagi.



Pas hari ngintu dalam rumah Tuhan, saurang pamuka agama bangaran Zakharia, rahat mambakar dupa. Diluar urang-urang badua. Timbul-timbul Zakharia manggatar.



Malaikat malihatiakan diri.
"Jangan takut," inya baucap.



"Tuhan mangutusi aku. Binimu pacangan malahirakan anak. Nang ngarannya Yohanes. Inya pancangan dihibaki lawan Roh Kudus matan lahir. Inya pacangan mambawa urang-urang babulik ka jalan Tuhan."



“Baucaplah kapada kami, Zakharia.” Urang-urang diluar kabingungan. Buhannya kada tahu pada malaikan Gabriel bapadah pada Zakharia kada kawa bapandir sampai baranakan ulih inya kada parcaya pasan Allah. Inya bapikir pada bininya talulu tuha hagan baranakan.



Dirumah, Zakharia manulis
barataan pasan malaikat.
Elisabet, bininya tapukau
banar. Buhannya bedua tarus
supaya baisi anak. Kawakah
takabul wahini?





Kada lawas
imbah ngintu
Elisabet tahu
inya pacangan
batianan bayi.
Inya mamuji
Allah. Pas hari
ngintu sapupu
Elisabet, Maria
mailanginya.
Maria jua rahat
batianan.





Pas Maria datang,
Elisabet marasakan
bayi di parutnya
maninjak. Elisabet
dihibaki ulih Ruh
Kudus. Inya tahu
bayi dalam parut
Maria ngintu Tuhan
Yesus Kristus.
Basamaan, badua
binian ngintu
mamuji Allah lawan
sukacita.



Bayi Elisabet lahir kaya nang dijanjikan Allah.

"Ngaranakan inya Zakhria, kaya ngaran abahnya,"

Ujar buhan pamuka agama.

Zakharia ingat lawan perintah

Allah. "Kada! Ngaran bayi

ngintu Yohanes." Pas Zakharia

manulis ngaran bayinya, inya

kawa bapandir

pulang. Imbahtu

inya mamuji Allah.



Pas Yohanes batambah ganal, inya jadi kaya Elia, urang pilihan Allah. Yohanes baucap ka urang-urang pada anak Allah pacangan datang mambarkati buhannya. Pamimpin-pamimpin Yahudi muar ka Yohanes ulih inya baucap kabuhannya, "Batubat! Ampih maulah dusa." Buhannya kada handak mandangar kisah dusa buhannya.



Urang lain mahiaunya Yohanes Pambaptis ulih inya mambaptis lawan cara mancalup urang kadalam banyu hagan manunjukakan pada buhannya batubat matan dusanya. Pas hari ngintu Yesus mailangi Yohanes hagan dibaptis. "Ikam harus mambaptis aku," Yohanes kada hakun. Tapi Yesus baucap, "Biarakan ngini tajadi." Imbah tu Yohanes mambaptis Yesus.



Imbah Yesus
dibaptis, Yohanes
malihat Ruh Kudus
turun ka atas Yesus
dalam barupa burung
marpati. Ngini tanda
matan Allah. Yohanes
tahu pada Yesus
ngintu Anak Allah.
Yohanes manyambat
Yesus Anak Allah
nang manghapus
dusa-dusa dunia.





Yohanes mambawa banyak urang babulik ka Allah. Tapi Herodes, pamimpin nang jahat, mamasukakan Yohanes kadalam tahanan. "Dusa haganmu mandapati Herodes nang mana bini dangsanakmu, haganmu," Ujar Yohanes.







Herodes mangarti
pada ngintu bujur.
Inya jua tahu pada
Yohanes palayan
Allah, bujur lawan
suci. Tapi inya kada
handak ampiah maulah
dusa. Lawan Yohanes
kada pacangan ampiah
bakhotbah tantang
dusa, biar inya harus
masuk panjara.



Herodes marayaakan hari ulang tahunnya lawan baacara ganal. Anak Herodes nang binian manari hagan Herodes. Ngini meulah hati Harodes arai lawan inya bajanji "Aku pacangan mambari napa nang ikam handakki biar satangah matan karajaan ku".





Anak nang binian
ngintu bapikir
"Napa nang
harus kuminta".
Herodes umanya
nang jahat, nang
kada katuju lawan
Yohanes, baucap
ka anak biniannya
napa nang harus
dimintainya.
Ngintu liwar
jahatnya.



"Bariakan haganku kapala Yohanes pambaptis diatas talam" ujar anak biniannya ka abahnya. Herodes manyasal lawan janjinya, tapi inya talalu ungh hagan manulaknya. Herodes mambari parintah pangawalnya "Tatak kapala Yohanes lawan bawa Kamari".



Kawanan Yohanes sedih banar
buhannya maguburanakan
jenasah Yohanes palayan Allah
nang wani lawan satia. Gawian
Yohanes hagan Tuhan
tuntung sudah.
Buhannya paham
pada Yesus kawa
manghibur dalam
kapadihan
buhannya.



Saurangan Utusan Tuhan

Sabuting kisah matan Firman Tuhan, Alkitab

Taulih dalam

Markus 6, Lukas 1, 3

"Amun tabuka, firman-firmanPian mambari pamahaman." Mazmur 119:130



Tuntung



Kisah Alkitab ni memudah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan
satiap hari! Yohanes 3:19

